

ajn : la ~ado estas la okazo, kie aperas la stilo propra al enscenigisto.

**muono** □. Mezono kun maso inter 200-oble k 220-oble pli granda ol tiu de elektrono (=μ-mezono).

**mutacio** ☼. Subita ŝanĝigo en geno, kaŭzanta ĉe la koncerna individuo, ke la eco produktata de tiu geno pli-malpli forte modifiĝas.

**mutuala** ٢. (p.p. societo) Karakterizita per tio, ke la anoj reciproke garantias sin

per siaj kotizoj kontraŭ certaj danĝeroj, perdoj ktp : ekzistas ~aj societoj pri helpe al malsanuloj, pri entombigo ktp. ~ismo <sup>z</sup>. Sistemo de ~a solidareco : la ~ismo estas pli k pli anstataŭigata de la ŝtat-asekuroj.

**muzelo** ☼. Elstara parto de la kapo de tiuj bestoj, ĉe kiuj la nazo k buŝo elpintigas el la vizaĝo : ~o de hundo, de kato, de ezoko. ~ingo. Buŝumo.

**muzulmano**. Islamano, mahometano.

## N

**nababo**. 1 Mahometana guberniestro sub la Mongola imperio. 2 Lukse vivanta riĉegulo.

**nacelo** (Avi). Negranda korpo en aerveturilo, konstruita ekster la fuzelego k entenanta personaron aŭ motoroj(n).

**napalmo** ☼. Bruliga substanco, konsistanta el benzino k alumina palmitato, sub formo de glua ĝelo.

**nardo** <sup>z</sup> ☼. Bonodora substanco, kiun la antikvuloj eltiris el kelkaj radikoj, apartenantaj al fam. valerianacoj.

**nargileo**. Orienta tabakpipo, konsistanta en ujo plena je parfumita akvo, kiun la fumo trapasas antaŭ ol alveni al la buŝo per longa fleksebla tubo.

**nazio** ٢. Membro de la Hitlera naci-socialisma partio. ~ismo. Doktrino k agmaniero de tiu partio. Kp ARJANISMO, RASISMO, ANTISEMITISMO, FAŝISMO, KONCENTREJO, KREMACIEJO.

\***Ne** ANST ~1 (tr). 1 Diri, respondi per ne. 2 Aserti, ke io ne estas efektiva aŭ vera, malkonfesi ion : ... (forigi la antaŭlastan ekz-on)... RIM. Ĉar ~ebla estas laŭregule la negacio de ebla, oni devas, por signifi, ke io povas esti ~ata, konservi en la derivaĵo la esprimon de la verbeco per la verba suf. ~ad- (prefere al nelogika -lg-) : tiu eraro ne estas ~adebla.

**nebulozo** ANST 1 ☼. Giganta nubo el gaso k mikroskopaj polvoj, kiuj okupas difinitan lokon en nia galaksio : fluoreska, reflektata, obskura ~o. 2 Brilega makulo el difuza lumo, kiun grandaj

teleskopoj diserigas en gigantan amason da steloj : spirala, ekstergalaksia ~o.

**negatono** □. Negative ŝargita elektrono, kontraste kun la pozitono.

**nekromancio** (R). Arto antaŭdiri la estontecon per evokado k pridemando de mortintoj. Kp SPIRITISMO.

**neolitiko**. Pli bona formo, ol **neolito**, kiun formon oni forigu.

**neŭtrino** □. Elementa korpusklo kun maso multe pli malgranda ol tiu de elektrono, se ne tute nula, k sen elektra ŝargo.

**neŭtrono** □. Elementa korpusklo, iom pli peza ol protono, k sen ia elektra ŝargo : libera ~o ne estas stabila, sed post pluraj minutoj spontanee diserigas je protono, negatono k neŭtrino.

\***Nigra** ALD 5. Neleĝa, praktikata nur kaŝe : ~a laboro (ekster la leĝaj horoj, aŭ la sindikataj kondiĉoj) ; ~a merkato ; ~a listo (= bojkota tabelo). ~umi (tr). Kaŝi la domajn, stratajn ks lumojn, kiel defenda rimedo kontraŭ la noktaj flugatakoj : ~umi urbon, konvojon ; ~umilo.

**nikso** <sup>z</sup>. Akva feo en la ĝermana mitologio.

**nilono** ☼. Nitrogenhava sinteza kombinaĵo, analoga al la plastoj, el kiu oni faras interalie specon de artefarita silko : ~aj ŝtrumpoj ; neĉifebla ~a korsajo ; ~hara broso. Kp RAJONO, VIZKOZO.

**nimfomanio** ☼. Malsaneca, ne subpremebla seksa deziro ĉe virino. Kp SATIRIAZO.